



2. Radunanza cumünela dals 29.3.2017 a las 20.00 in sela polivalenta S-chanf

Presidi: Gian Fadri Largiadèr

Actuar: Patrice Mayer

Preschaints: Preschaints sun 98 votantas e votants

Absaint: Paolo Bernasconi

Büro electorel: Daniel Platzer e Steivan Luzi

Tractandas:

1. Protocol
2. Revaixa uorden da god
3. Revaixa uorden per l'adöver da vias champestras e vias da god cun veiculs a motor
4. Revaixa ledscha da champagna, pasculs ed alps
5. Contrat CEE regard dret d'utilisaziun per büschens da cabels
6. Schlargiamaint dals indrizs per l'allontanamaint da l'ova persa e pel provedimaint da l'ova potabla Susauna, etappa 2, credit fr. 800'000.00
7. Chantun Grischun, dumanda barat terrain
8. Nouv plan da tir Flab, decisiun da princip
9. Varia

La glista da tractandas vain approveda cun spuster las tractandas 6 - 8 scu 2 - 4.

Protocol: Il protocol da la radunanza cumünela dals 01.02.2017 vain approvu sainza cuntravuschs.

2 0.110 Legislativa Revaixa uorden da god

L'orden da god es gnieu repasso da la cumischiun per la revaixa da tschantamaints, ledschas e uordens. Per quist uorden es gnida la cumischiun cusgliada da l'uffizi da god e dal silvicultur cumünel. Tenor la cumischiun sun bod tuot ils artichels già descrits illa ledscha superiura e pels ulteriurs artichels dess gnir elavuro ün reglamaint. Perque fo la cumischiun la proposta a la radunanza cumünela d'abolir l'orden. Quista proposta vain eir sustgnida da la suprastanza cumünela. La radunanza cumünela decida cun granda magiuriteda da na entrar sün la revaixa da l'orden da god e da lascher elavurer üna nouva ledscha da god.

3 0.110 Legislativa
Revaia uorden per l'adöver da vias champestras e vias da god cun veiculs a motor

L'augment da l'adöver da vias champestras e vias da god cun veiculs a motor ho do adüna dapü reclamaziuns. Tenor la cumischiun per la revaia da la constituziun, ledschas ed uordens es la ledscha sufficianta, uschè ch'ed es be da fer adattamaints per preciser la ledscha ed adatter a las otras ledschas cumünelas scu eir a las ledschas superiuras. Zieva animada discussiun decida la radunanza da na entrer a quista tractanda e da na revair l'orden existent.

4 0.110 Legislativa
Revaia ledscha da champagna, pasculs ed alps

L'agricultura svizra sto davaunt grands müdamaints. Ils adattamaints sün champagna, pasculs ed alps nu passan neir tal s-chelin local speravi. Impü s'haun müdedas las structuradas da la populaziun locala, dal turissem e l'esser da chesa ill'agricultura. Perque ho la cumischiun per la revaia da la constituziun, ledschas e uordens elavuro insembel cun uffizis chantunels e la suprastanza cumünela üna nouva ledscha da champagna, pasculs ed alps. Tenor la radunanza es la ledscha memma complexa e na elavureda a fin. Perque decida ella da na entrer illa tractanda e da lascher surlavurer e simplificher la ledscha.

5 0.209 Contrats e cunvegns
Contrat CEE regard dret d'utilisaziun per büschens da cabels

La Swissgrid ho survgnieu il permiss da la Confederaziun per eriger üna nouva lingia da 380 kV sün las lingias existentas traunter Pradella e La Punt-Chamues-ch. Düraunt l'exposiziun publica haun fat las vschinaunchas da Scuol fin La Punt-Chamues-ch recuors cunter quist proget e dumando differentas compensaziuns economicas. In püs contrats traunter la swissgrid/CEE/EE/OEE scu eir las vschinaunchas S-chanf e Zernez vegnan regledas quistas compensaziuns. Ün da quist contrats es il contrat traunter la CEE ed ils cumüns Zernez e S-chanf insembel cun la Energia Engiadina. In prüma lingia vain our da vista da la vschinauncha da S-chanf reglo l'utilisaziun cumünai da dals büschens da cabels chi vegnan fabrichos da l'OEE. Resümand paun gnir installos ed utilisos büschens vöds per fr. 35.00 (lingia d'energia) e per fr. 15.00 impü fr. 4.05 (lingias da comunicaziun) per meter curraint. Zieva cuorta discussiun accepta la radunanza sainza cuntravusch il contrat correspondent.

6 7.100 Chanalisaziun/sarinera
Schlargiamaint dals indrizzs per l'allontanamaint da l'ova persa e pel provedimaint da l'ova potabla Susauna, etappa 2, credit fr. 800'000.00

Il president fo ün'introducziun e spiega cuort il proget. Tenor decret da la Regenza grischuna dals 2 lügl 2013 es la vschinauncha da S-chanf oblida da collier la fracziun Susauna cun l'ara Furnatsch fin il pü tard la fin da l'ann 2017. Scha que nu succeda, vain decreto ün scumand da fabricher. Da l'ann 2016 s'ha cumanzo cun la prim'etappa dal schlargiamaint dals indrizzs per l'allontanamaint da l'ova persa e pel provedimaint da l'ova potabla in Susauna. Per la segund'etappa chi vain effettueda dal 2017 e chi cumpiglia il traget Nandet fin Susauna sun previs i preventiv 2017 fr. 550'000.00. Intaunt sun avaunt maun las offertas per l'etappa 2, ed es cuosts effectivs per quell'etappa s'amountan a fr. 800'000.00. Zieva chi sun gnidas dedas tuot las spiegaziuns e zieva cuorta discussiun decida la radunanza cun granda magiurited e sainza cuntravusch da deliberer il credit per la segund'etappa ill'enteezza da fr. 800'000.00.

**7 9.998 Cumprita e vendita terrain cumünel
Chantun Grischun, dumanda barat terrain**

L'uffizi chantunel da construcziun bassa ho inoltro a la vschinauncha da S-chanf la dumanda per ün barat da terrain. Previs es, cha la vschinauncha surlaschess arduond 26m² da la parcella nr. 608 e survgniss arduond 385m² da las parcellas nr. 361 e 362. Uschè pudess gnir construida la via chantunela sün terrain chantunel e la vschinauncha survgniss l'entreda da la via vers Plaun da Senchs. A maun d'ün plan spiega il president la situaziun. Impü manzuna el, cha la vschinauncha es auncha in discuors cul chantun per spuster l'entreda da la via vers Plaun da Senchs, uschè cha quella füss visavi a la via da God God. Sainza cuntravuschs appruvescha la radunanza cumünela il barat da terrain.

**8 1.500 Militer
Nouv plan da tir Flab, decisiun da princip**

Cun la refuorma da l'armada vain müdo darcho sün duos recrutas l'an. Cun quist müdamaint es eir d'adatter il plan da tir da la Flab. Il president spiega cuort scu chi el es previs il plan da tir davart la Confederaziun. Quella prevezza d'adatter il cumanzamaint da la perioda da trer cun muniziun da cumbat düraunt l'atuon sül principi d'october e na scu fin co davent da la mited d'october. La perioda da trer düraunt la sted nu vain perzieva pü druveda. Davart da la radunanza vegnan fattas püssas remarchas regard l'adattamaint dal plan da tir e las consequenzas. Las sendas fin tal pass dal Scaletta scu eir quella chi maina illa chamanna Kesch stuvess gnir serreda düraunt ün temp cha quellas sendas vegnan frequentadas da bgers turists. Cun granda magiurited decida la radunanza cha la suprastanza dess tratter cun la Confederaziun in chosa, resguardand eir las remarchas.

9 9.999 Varia

Il president preschainta ils termins da las radunanzas cumünelas da l'an 2017. In connex cun la nouva regiun es da tratter tuot ils contrats e cunvegns cun las instituziuns regiuneals, perque es previs quist an dapüas radunanzas scu üsito.

Il president serra la radunanza a las 22.00 ed ingrazcha a tuot ils preschaints per lur cumparsa.

In buna fè

Il president:

L'actuar:

G. Largiadèr

P. Mayer